

古

謠

諺

古謠諺卷六十五

秀水杜文瀾輯

閩中百姓爲陶屋仲薛大昉謠

抱璞簡記嘗讀密菴集謹記一事於此云洪武
十七年六月二十五日福建按察使陶屋仲僉
事謝元功劾左布政使薛大昉貪淫事旣奏准
令按察司就行取問大昉亦造謗還詞有旨都
提取赴京於都察院聽對屋仲劾事得實大昉
等還憲職屋仲等初被召時閩中百姓爲之謠

西墅雜記作閩人爲之語造曰云後陶復任
邦勲賢錄作京民爲之詩云

百姓踊躍相慶屋仲名鑄鄞縣人元功名肅上

虞人有密菴集

陶使再來天有眼薛公不去地無皮堅瓠廣集卷二陶使作屋仲薛公作

大方

青州諺

湧幢小品卷一王沂公會青州人宋眞宗問云卿

鄉里諺云何也沂公對曰井深槐樹麤土

厚水深也街濶人義疎家給人足也眞宗善其

對

井深槐樹麤街濶人義疎

京師人爲潘淵王淵語

湧幢小品

卷二

嘉靖五年丙戌三月天台縣起復

知縣潘淵進嘉靖龍飛頌內外六十四圍五百

段一萬二千章效蘇蕙織錦迴文體上以其文

縱橫不可辨識使開寫正文以進是時請建世

室者有監生王淵其事旣行淵從選人得主簿

爲上官所咎上書自言擢上林苑右監丞進世

廟頌京師人爲之語曰云人之獻諂如此當

時議大禮者旣得逞志雲湧蜂起爲所欲爲者何所不至真世道一大更革之會也

兩淵有兩口口濶大如斗笑殺張羅峰引出一羣狗明詩

綜卷一百首二句作兩淵口闊如斗羅作蘿按蘿峰張璁之字也

桑價諺

湧幢小品卷二湖之畜蠶者多自栽桑不則豫租

別姓之桑俗曰秒葉凡蠶一觔用葉百六十觔秒者先期約用銀四錢旣收而償者約用五錢

再加雜費五分蠶佳者用二十日辛苦收絲可
售銀一兩餘爲綿爲線矢可糞田皆資民家切
用此農桑爲國根本民之命脉也我郡在在有
之惟德清尤多本地葉不足又販於桐鄉洞庭
價隨時高下倏忽懸絕諺云云故栽與秒最
爲穩當不者謂之看空頭蠶有天幸者往往趣
之

僊人難斷葉價

廣羣芳譜卷十一葉作桑

蘇州人爲丙辰會錄語

湧幢小品

卷七

乙卯年南場中有魚見於團魚水

族也水至潔也而汙穢至此又見於場中此文
明失位之象次年丙辰會試沈同和以代筆中
第一名代筆者趙鳴陽中第六名俱吳江人事
發按問並罪除名吳爲水國遂應其占亦一阨
運也蘇州人爲之語曰

丙辰會錄斷么絕六

京師人爲夏言嚴嵩語

湧幢小品

卷九

相傳貴溪臨刑世宗在禁中數起

看三台星皆燦燦無他異遂下硃筆傳旨行刑
旨方出陰雲四合大雨如注西市水至三尺云

京師人爲之語曰云既死嚴氏日盛京師人

又爲語曰云

可憐夏桂州

堅瓠丙集卷一作夏桂州不知休二晴
申野錄卷四作夏桂州正好休不肯休

乾不肯走直待雨淋頭

堅瓠集
乾作天

可笑嚴介溪金銀如山積刀鋸信手施嘗將冷眼觀螭

蟬看你橫行得幾時

按後條末二句與野獲編同然前半互異今並存之

時人爲屠義英周子義謠

湧幢小品

卷十

屠杵石義英寧國人督學淞中

持法嚴竿牘俱絕先任爲秦鴻洲梁無錫人以
太僕少卿調補最寬青衿居間可以券取時有

云

之謠屠陞南太常少卿萬厯初張江陵爲

政繩下急改爲祭酒治如督學時而周倣菴子
義爲司業周亦無錫人和厚得士心時又有

云

之謠至形奏疏屠尋轉太常卿

秦晉屠出

屠毒周旋

西安民爲才寬謠

湧幢小品

卷十二

尚書才寬爲西安府太守有治

才過客失金於店急白寬寬仰見飛鷹又見蜘蛛墜案曰店中必有朱姓名英者爲盜執之果得金民皆神之謠曰

才寬斷朱英

朱國禎引諺

湧幢小品

卷十二

諺曰

云

謂人身上無一點瑕

類也此二字卽美玉不能免惟雪無之故以爲
言然古不云乎一家之中大者可誅小者可殺
此又何也百姓中豈無隱過豈無無心之過以
雪白二字概之不可舍二字而苛求不可

雪白百姓

夏至重陽俗語

湧幢小品

卷十

俗語

按原無語字據
通俗編卷三補

云

云驗

之殊不然及閱感精符云夏至酉逢三伏熱重
陽戌遇一冬晴乃知俗說之訛也

夏至有風三伏熱重陽無雨一冬晴

黔中諺

湧幢小品

卷十五

風土南北寒暑以大河爲界不

甚相遠獨西南隅異如黔中則多陰多雨以地

在萬山之中山川出雲故晴霽時少諺

按諺字原作語

今據明詩綜卷七十改明詩綜云朱茂時黔中曲壘嶂會無三尺平自注云云黔中諺也

云云也

天無三日晴地無三里平

明詩綜里作尺

荏平縣酒諺

湧幢小品

卷十五

東昌府茌平縣西北有丁家出

泉甘冽釀酒甘美諺云

云

又稱曰酒泉余同

年程肖莪嘗就岡下造酒以歸號爲天下第一

余過訪飲之眞絕品當與易州相配

茌平丁塊酒

芒種俗語

湧幢小品

卷十五

俗語

云

云

霉後積水烹茶甚香

刈可久藏一交夏至便迥別矣試之良驗細思其理有不可曉者或者夏至一陰初生前數日

陰正潛伏水陰物也當其伏時極淨一切草木
飛潛之氣不能雜故獨存本色爲佳但取法極
難須以磁盆最潔者布空野盛之霑一物卽變
貯之尤難非地清潔且墊高不可某年無雨挑
河水貯之亦與常水異而香冽不及遠矣

芒種逢壬便立霉

朱國禎引俗語

湧幢小品

卷十

俗語有

云

云

之說厭字殊不解

後讀孫真人歌謂天厭雁地厭狗水厭烏魚雁

有夫婦之倫狗有扈主之誼烏魚有君臣忠敬之心故不忍食

五輩三厭

蘇州人爲范允臨語

湧幢小品

卷二

俗語謂法馬爲乏子乏者法字

之訛也謂兌架爲天平由來尚矣吳中有天平山山石林立皆劒拔甚銳而勻真奇觀也學憲范長白得之曲折築園奇巧夫妻時游其間妻徐氏能詩而妬范遂無子情甚篤蘇州人爲之

語曰

云

聞者大笑長白名允臨能文章精畫

法名與董思白相亞年尙壯聞已得子可塞蘇

州人之口

范長白夫妻上天平乏子

台州塘下童謠

湧幢小品

卷二

范秋蟾者台州

明詩綜卷一百
州下有太平縣

三塘下戴氏妻也琴棋書畫靡所不精尤工音

律一日其夫與客賦詩弔秦不華未就秋蟾出

一律時戴與方谷珍婚張士誠遣能詩妓女十

餘來覘谷珍送至戴與秋蟾角藝無所軒輊及
其行也秋蟾又製一新詞被之管絃送之凡十
章張妓大服後戴將敗婦女皆滌洸爲桑間之
音一日忽童謠曰云已而洪武末年戴之家
竟籍沒惟出嫁二女在此其先讖云

塘下戴好種菜菜開花好種茶茶結子好種柿柿帶烏

摘箇大姑摘箇小姑

明詩綜卷一百末句
作摘了大姑摘小姑

吳淞江童謠

湧幢小品

卷二
十三

吳淞江久湮童謠云

云

人謂

工決難成後巡撫海忠介倡議開濬而董其事者則郡同知黃成樂推官龍宗武也其言始驗是時兩月不雨工亦易集殆有天意焉

要開吳淞江除是海龍王

二申野錄卷四除作須

八角蓮謠

湧幢小品

卷二十七

綏甯有八角蓮可以伏蛇謠云

識得八角蓮可與蛇共眠

佛面金謠

湧幢小品

卷二十八

謠云

云

陋之也嘉靖初用工

部侍郎趙璜奏沒入正德末所造諸寺繪鑄佛像刮取金一千三十餘兩正合諺語可笑

佛面上刮金

僊桐道人歌

湧幢小品

卷二十九

僊桐道人不知何許人萬厯辛

卯遊曹縣定清寺敝衣垢面恒如醉狂寺有枯

梧一株爲僧所伐止存朽根道人手持木尺作

禮佛前跌坐根上曰此樹由我再生索水嚥之

寺僧莫顧也夜半聞道人歌曰

云

昧旦起視

已失所在越三日枯樹中頓發萌芽逾月枝葉
扶疎圍大五六尺許遂成茂樹縣令錢達道勒
石記之士夫遊覽多所題詠云

木有根兮根無枝人有眼兮眼無珠我來梧樹活我去
人不識人不識真可惜上天下地遊八極翻身跨起雲
間鶴朗吟飛過蓬萊側

潮州人爲王源謠

湧幢小品

卷三十二

潮州城西有湖山上多怪石民

歲罹患宣德間知府王源命除之至下果獲石

骷髏復掘丈餘又得石刻回風二字先是郡有
云
云之謠今果應之源字啟澤福建龍溪人進
士

挽回淳風

時人爲萬安劉吉劉珣謠

野獲編

卷一列朝類

憲宗以天語漸吃賜對甚稀一

日召閣臣萬眉州劉博野劉壽光等入訪及時

政俱不能置對卽叩頭呼萬歲當時有云之

謠

萬歲相公

王世貞引諺

野獲編

卷八內
閤類

近時陸少白

起龍

大行太倉人

有膂力倔彊使氣常與同里吳侍御愼菴之彥

有違言鑄一鐵簡置懷中上刻此簡專打吳之

彥吳畏之遷跡鄉居不敢出吳爲王弇州從甥

偶問曰少白乃欲死我甥何罪王笑曰子誠無

罪但諺所云

云

則二君是也吳乾笑無以答

惡人自有惡人磨

古謠諺

卷六十五

曼陀羅華閣

京師爲廣西巡撫謠

野獲編

卷十一
吏部類

至於巡撫缺出亦許九卿科道

各薦所知近年觀後廣西適缺巡撫時左轄入

境尙在都下於是吏部彙薦舉者九人以入疏

其八人左轄也京師遂謠曰

云

聞者捧腹

廣西撫院京香京絹

時人爲應選給事中語

野獲編

卷十一
吏部類

至給事中之選則專取姿貌雄

偉以故成化初編修張元禎建議六科不必拘

體貌長大當以器識學問爲主而時論不從其說蓋以近侍官兼主對揚必用體貌長而語言確者以爲壯觀故當時爲之語曰云然亦聽

吏部試文以爲去取蓋本唐人身言書判之法

以身爲第一義亦其遺意也

間中今古錄奉化應方伯履平登洪

武庚辰進士除授福建德化知縣三年考滿吏部試論一篇文雖優而貌頗侏儒不得列乃題詩部門之前云爲官不用妙文章只要鬚鬚及胖長更有一般堪笑處衣裳糲得硬綳綳末不書姓名閱者以此呈冢宰冢宰曰此必應知縣也取其文覽之果高次日奏陞考功司郎中終雲南布政使然一詩之感動於人而冢宰亦知過能改皆可以示後故錄之

選科不用選文章只要生來鬍胖長

天順甲申廷試時語

野獲編

卷十五
科場類

天順癸未以御史焦顯監試而

火焚科場說者以御史之姓應之詔改是年秋

會試次年甲申廷試於是時人爲之語曰

云

云

比傳臚則彭教爲龍首其謠竟不驗惟庶吉士

有焦芳一人後至大學士少師豈卽此人應之

耶宋時焦蹈登狀元是年棘闈亦被災時人曰

不因科場燒那得狀元焦

此條已附注
鐵圍山叢談

癸未之

謠祖此

科場燒狀元焦

京師時人爲范廣于謙語二則

野獲編

卷二十一
禁衛類

都督范廣驍勇善戰故于謙

愛將素信用之先是太平侯張軌以副總兵征

貴州爲于謙劾其失機因成仇不解並恨廣切

齒及奪門功成軌驟進侯爵旣與石亨謀殺謙

又誣廣同謙反並斬於市廣死時京師人爲之

語曰

云

此與時人惜于少保之語曰

云

眞

一時的對亦千古冤痛

京城米貴那得飯廣

二申野錄卷二作京城老米貴那裏得飯廣

鷺鷥冰上走何處尋魚噉

福建人爲許孚遠李材謠

野獲編

卷二十二督撫類

豐城李中丞

材

以理學名天

下撫鄖逮下詔獄榜掠論死其同年吾鄉許司

馬孚遠

時爲應天府丞疏救之始得論戍閩中

司馬後漸晉卿寺以中丞開府福建癖於講學
兩人同時龍象合併一方文武犇附如狂於是

有云之謠

一城兩巡撫

沈德符引北方諺語

野獲編

卷二十四
畿輔類

今北方諺語云

云

爲畿南

三壯觀余皆及睹實燕趙間所僅見大佛爲唐
釋子澄空所鑄凡經三度最後投身火中始成
然其像本三截不知當時冶鑄法云何滄州鐵
獅最大向曾有逸盜叛伏其中搜捕不獲後知
其故遂剗破其腹滄在唐爲橫海軍節度使治

所後又名義昌此必幕府牙城用以立威儀今
云周世宗命罪人所治訛傳也景州在唐爲橫
海軍巡屬本在內地自石晉割盧龍諸道後遂
爲極邊無復險隘可守乃詭云建塔實爲覘望
之所今塔比他方製狹而級高全與邊塞烽臺
相似未登其半幽燕一帶諸山俱在目下宋時
此塔防契丹敗盟先事保聚今則無所用之矣

滄州獅子景州塢眞定府裏大菩薩

堅瓠餘集卷二眞定府作東光寺

蘇州爲蟋蟀語

野獲編

卷二十四
技藝類

鬪物最微爲蟋蟀我朝宣宗

最嫻此戲曾密詔蘇州知府况鍾進千箇一時

語云

云

此語至今猶傳

促織瞿瞿叫宣德皇帝要

京師人爲嚴嵩語

野獲編

卷二十六
諧謔類

分宜擅權枉殺貴溪京師人

惡之爲語曰

可恨嚴介溪作事忒心欺

堅瓠丙集卷一作嚴介溪不
知幾二申野錄卷四作嚴

介谿人可欺

常將冷眼觀螃蟹看你橫行得幾時

沈氏
自注

古謠諺

卷六十五

曼陀羅華閣

云或又云善惡到頭終有報只爭來早與來遲

京師爲徐如圭白若圭語

野獲編

卷二十六
諸謔類

嘉靖末年有一御史徐如圭

外謫入都投西臺舊僚稱道末生人共嗤之已

去豸班安得尙云末因改爲道棄生又一禮部

郎白若圭媚郭翊公勛其刺稱渺渺小學生京

師爲之語曰

堅瓠癸集卷四徐侍郎珪謫外復以廷評入不欲忘舊銜投臺中刺

曰臺末他僚刺曰臺駭太常寺少卿白若圭性謙下投諸權貴曰渺渺小學生好事者作句曰

云云間

者絕倒

道末道棄

堅瓠癸集作臺末臺駁

渺渺小學一樣兩圭

堅瓠癸集作同是一

珪

徐如白若

洪武五年建昌黃衣人歌

野獲編補遺

卷四禰祥類

洪武五年中書右丞王溥

奉命督工取材於建昌至蛇舌巖衆見巖上有

衣黃衣者歌曰

云

其聲如鐘歌訖不見溥遣

人來言上以事涉妖妄不之信

七修類藁卷十國事類王溥奏

稱云云太祖以爲不當信也嗚呼視天書封禪者遠矣

細按其語龍蟠虎

踞本金陵舊語赤帝爲漢高祖以乙未稱漢王

我太祖以乙未渡江建元帥府用李善長汪廣
洋等爲僚屬與蕭曹正同六朝之祚訖於陳後
主禎明之乙酉自此金陵不復爲正統都城至
太祖始定鼎恰七百八十年比文皇靖難師入
則距陳亡時八百十三年正所謂八百終而王
氣復者文皇卽位已決都燕之計重華紹唐正
合二祖堯舜相傳故事蓋於兩朝開緒靡不合
者意黃衣人固卽周顛仙張三丰之前茅而陳
希夷邵堯夫劉秉忠輩之後身也因閱史僭爲

解之

龍蟠虎踞勢岌岌赤帝重興勝六朝八百年終王氣復
七修類藁重華從此繼唐堯
終作餘

松江舊謠

三岡識略

卷三

吾松舊有謠云

云

故蒞茲土者

往往不能廉潔嘗憶前明有張守者蒞任欲應
明星之語由東關入過一橋疑其是也問隸何

名答曰張搨橋大不憚甫三日疽發背卒謠識

之驗如此

輟畊錄卷三十潮逢谷水難興浪月到雲間便不明松江古有此語谷水

雲間皆松江別名也近代來作官者始則赫然
有聲終則闖茸貪濫始終廉潔者鮮兩句竟成
詩識

秀野原來不入城鳳凰飛不到華亭明星出在東關外
月到雲間便不明

古謠諺卷六十五終

古謠諺卷六十六

秀水杜文瀾輯

漢元鼎初公卿語

別國洞冥記

卷二

元鼎五年鄧支國貢馬肝石百

斤常以水銀養之內玉櫃中金泥封其上國人
長四尺惟餌此石而已半青半白如今之馬肝
春碎以和九轉之丹服之彌年不饑渴也以之
拂髮白者皆黑帝坐羣臣於甘泉殿有髮白者
以石拂之應手皆黑是時公卿語曰

云

此石

酷烈不和丹砂不可近髮

不用作方伯惟須馬肝石

廣記卷三百九十八引洞冥記作惟願拭馬肝石

類書卷八十九引述異記須作惟馬作拭事

文類聚後集卷二十作不願方伯惟願拭肝石

東方朔引里語

別國洞冥記

卷二

大初二年東方朔從西那汗國

歸得聲風木十枝長九寸大如指帝以枝遍賜

羣臣臣有凶者枝則汗臣有死者枝則折昔老

聃在於周世年七百歲竟未汗偃佺生於堯時

年三千歲枝竟未一折帝乃以枝問朔朔曰臣

已見此枝三過而枯復生豈汗折而已哉里語

曰云

云此木五千年一汗萬歲不枯

年未半枝不汗

東方朔別傳作年復年枝忽汗御覽卷九百五十三引洞冥記未作來廣

記卷六引洞冥記作年年枝忽汗潛確類書卷九十九引洞冥記不作未

人爲黃蛇珠語

別國洞冥記

卷三

赤松子乘黃蛇入水得黃珠一

枚色如真金或言是黃蛇之卵故名蛇珠亦名

銷疾珠語曰

寧失千里駒不失黃蛇珠

人爲龍爪薤語

別國洞冥記

卷三

鳥哀國有龍爪薤長九寸色如

玉煎之有膏以和紫桂爲丸服一粒千歲不飢

故語曰

薤如膏身生毛

廣羣芳譜卷十三
如作和身作自

人爲影娥池中龜語

別國洞冥記

卷三

影娥池中有鼈望其羣出岸

上如連壁弄於沙岸故語曰

夜未央待龜黃

八公琴歌

搜神記

卷一

淮南王安好道術設廚宰以候賓客

正月上旬有八老公詣門求見門吏白王王使
吏以意難之曰吾王好長生先生無駐衰之術
未敢以聞公知不見乃更形爲八童子色如桃
花王便見之盛禮設樂以享八公援琴而絃歌

曰

云

今所謂淮南操是也

明明上天照四海兮知我好道公來下兮公將與余生
羽毛兮升騰青雲蹈梁甫兮觀見三光遇北斗兮驅乘

風雲使玉女兮含精吐氣嚼芝草兮悠悠將將天將保

兮

末四句原本無今據樂府詩集卷五十八補樂府詩集明明作煌煌四海作下土升作超三作瑤驅作

馳

御覽卷五百七十三羽

毛作毛羽蹈作踏過作過

華容女子歌

搜神記

卷六

是時華容有女子忽啼呼曰將有大

喪言語過差縣以爲妖言繫獄月餘忽於獄中

哭曰劉荊州今日死華容去州數百里卽遣馬

吏驗視而劉表果死縣乃出之續又歌吟曰

云

云後無幾曹公平荊州以涿郡李立字建賢爲

荊州刺史按後漢書五行志一以此條注於建安初荊州童謠下今考搜神記此條上卽敘此謠所言是時蓋建安初也劉昭引注時節去耳

不意李立爲貴人

秦始皇時長水縣童謠

搜神記

卷十

由拳縣秦時長水縣也始皇時童

謠曰

云

有嫗聞之朝朝往窺門將欲縛之嫗

言其故後門將以犬血塗門嫗見血便走去忽

有大水欲沒縣主簿令幹入白令令曰何忽作

魚幹曰明府亦作魚遂淪爲湖

淮南子俶眞訓夫歷陽之都一

夕反而為湖高注云歷陽淮南國之縣名今屬
 江都昔有老嫗常行仁義有二書生過之謂曰
 此國當沒為湖謂嫗視東城門閭有血便走上
 北山勿顧也自此嫗便往視門閭者問之嫗
 對曰如其暮門吏故殺雞血塗門閭明旦老
 嫗早往視門見血便上北山國沒為湖廣記
 卷一百六十三引獨異記歷陽縣有一嫗常為
 善偶有少年過門求食嫗待之甚恭臨去謂嫗
 曰時往縣門見門閭有血可登山避難自是嫗
 日往之門吏問其狀嫗具以少年所教答之吏
 即戲以雞血塗門閭明日嫗見有血乃攜雞籠
 走上山其夕縣陷為湖今和州歷陽湖是也
 譙言長語引松江府志云三泖乃古由拳縣沉
 沒每天晴日朗舟過者分明見其中井欄街砌
 宛然

城門有血城當陷沒為湖

水經注沔水篇當字在有字
 方輿勝覽作城門血當

陷沒 廣記卷四百六十八引神
鬼傳作城門當有血則陷沒爲湖

時人爲宗定伯語

搜神記

卷十六

南陽宗定伯年少時夜行逢鬼定

伯誑之言我亦鬼鬼問欲至何所答曰欲至宛
市鬼言我亦欲至宛市遂行數里鬼言步行太
遲可共遞相擔何如定伯曰大善鬼便先擔定
伯數里鬼言卿太重將非鬼也定伯言我新鬼
故身重耳定伯因復擔鬼鬼略無重如是再三
定伯復言我新鬼不知有何所畏忌鬼答言惟

不喜人唾行欲至宛市定伯便擔鬼著肩上急
執之鬼大呼聲咋咋然索下不復聽之徑至
市中下著地化爲一羊便賣之恐其變化唾之
得錢千五百乃去時人語曰按時人語原作當時石崇有言據類

聚卷九
十四改

定伯賣鬼得錢千五類聚定上有宗
字五下有百字

吳王女玉歌

搜神記卷十
六吳王夫差小女名曰紫玉年十八

才貌俱美童子韓重年十九有道術女悅之私

交信問許爲之妻重學於齊魯之間臨去屬其
父母使求婚王怒不與女玉結氣死葬閭門之
外三年重歸哭泣哀慟具牲帛往弔於墓前玉
魂從墓出見重流涕謂曰昔爾行之後令二親
從王求度必克從大願不圖別後遭命奈何玉
乃左顧宛頸而歌曰云歌畢歔流涕要重
還冢與之飲讌留三日三夜盡夫婦之禮臨去
取徑寸明珠以送重曰若至吾家致敬大王重
旣出遂詣王自說其事王大怒曰此不過發冢

取物託以鬼神趣收重重走脫至玉墓所訴之
玉曰無憂今歸白王王粧梳忽見玉驚愕悲喜
問曰爾緣何生玉跪而言曰昔諸生韓重來求
玉大王不許玉名毀義絕自致身亡重從遠還
聞玉已死故齎牲幣詣冢弔唁感其篤終輒與
相見因以珠遺之不爲發冢願勿推治夫人聞
之出而抱之玉如烟然

吳地記女墳湖在吳縣西北六里越絕書曰夫

差小女字幼玉見父無道輕士重色其國必危遂願與書生韓重爲偶不果結怨而死夫差思痛之金棺銅槨葬閭門外其女化形而歌曰云

吳郡圖經續記卷下女墳湖在吳縣西北

六里吳越春秋以謂吳王小女因王食蒸魚辱之不忍久生乃自殺一說夫差小女字幼玉觀父之過憂國之危願與韓重者為偶志願不果結怨而死夫差痛思之以金棺銅槨葬之閭門外葬已祭之其女化形而歌曰云云竊謂此詩亦有深旨殆此女生時所賦耶南山有鳥喻越也北山張羅喻制越非其所也鳥既高飛句踐之盛也羅將奈何夫差不可以制越也志欲從君讒言孔多謂雖欲從父之命奈何其聽讒言而忘忠義也彼韓重之怨蒸魚之忿殆恐非也墳之為湖或曰墳所陷也或曰取土為墳鑿而成也

南山有鳥北山張羅鳥既高飛羅將奈何吳地記既作自將作當

意欲從君

御覽卷五百七十三意作志

讒言孔多悲結生疾

風雅逸篇卷六

疾作疹

吳地記

沒命黃壚

吳地記命作身

命之不造

結作怨生作成

古謠諺

卷六十六

曼陀羅華閣

寃如之何羽族之長名爲鳳皇一日失雄三年感傷雖有衆鳥不爲匹雙故見鄙姿逢君輝光身遠心近何當

暫忘

御覽當作嘗 風雅逸篇當作會

堯世民語

拾遺記

卷一

帝堯在位聖德光洽沈翔之類自相

馴擾幽州之墟羽山之北有善鳴之禽人面鳥

喙八翼一足毛色如雉行不踐地名曰青鸛其

聲似鐘磬笙竽也世語曰

云

故盛明之世翔

鳴藪澤音中律呂飛而不行至禹平水土棲於

川岳所集之地必有聖人出焉自古鑄諸鼎
器皆圖像其形銘贊至今不絕

青鸛鳴時太平

雲仙散錄
鸛作鶴

漢武帝時謠言

拾遺記

卷五

太和二年大月氏國貢雙雞四足一

尾鳴則俱鳴武帝置於甘泉故宮更以餘雞混

之得其種類而不能鳴使者曰詩云牝雞無晨

一云牝雞之晨惟家之索今雄類不鳴非吉祥

也帝乃送還西域行至西關雞反顧望漢宮而

哀鳴故謠言曰

云

云

至王莽篡位將軍有九虎

之號其後喪亂彌多宮掖中生蒿棘家無雞鳴

犬吠此雞未至月支國乃飛於天漢聲似鷓鴣雞

翱翔雲裏一名暄雞昆暄之音相類

三七末世雞不鳴犬不吠宮中荆棘亂相係

廣博物志卷四十八

係作繫

當有九虎爭爲帝

淋池歌

拾遺記

卷六

昭帝元始元年穿淋池廣千步中植

分枝荷一莖四葉狀如駢蓋日照則葉低蔭根

莖若葵之衛足名曰低光荷實如元珠可以飾
佩花葉葳蕤芬馥之氣徹十餘里食之令人口
氣常香益脈理病宮人貴之每游宴出入必皆
含嚼或剪以爲衣或折以蔽日亦有側生菱莖
如絲一花千葉根浮水上實沈泥中名紫菱食
之不老帝乃命以文梓爲船木蘭爲柂刻飛鸞
翔鷁飾於船首隨風輕漾畢景忘歸乃至通夜
使宮人歌曰

秋素景兮泛洪波揮纖手兮折芰荷

廣記卷二百三十
六作商秋素景泛

洪波誰云好
手折芰荷

涼風淒淒揚棹歌
雲光開曙月低河
萬歲

爲樂豈云多

時人爲郭況語

拾遺記

卷六

郭況光武皇后之弟也累金數億家

僮四百餘人以黃金爲器工冶之聲震於都鄙

時人謂郭氏之室不雨而雷言其鑄鍛之聲盛

也錯雜寶以飾臺榭懸明珠於四垂晝視之加

星夜望之如月里語曰

云

其寵者皆以玉器

盛食故東宮謂郭家爲瓊厨金穴

洛陽多錢郭氏室夜月晝星富無匹

廣記卷二百三十六作洛陽多錢郭

氏萬千都城之富難匹

洛陽行者爲薛靈芸歌

拾遺記

卷七

魏文帝所愛美人姓薛名靈芸常山

人也咸熙二年谷習出守常山郡時文帝選良

家子女以入六宮習以千金寶賂聘之旣得乃

以獻文帝及至京師帝以文車十乘迎之道側

燒石葉之香此石重叠狀如雲母其光氣辟惡

厲之疾此香腹題國所進也靈芸未至京師數

十里膏燭之光相續不滅車徒咽路塵起蔽於
星月時人謂之塵宵又築土爲臺基高三十丈
列燭於臺下名曰燭臺遠望之如列星之墜地
又於大道之旁一里一銅表高五尺以誌里數
故行者歌曰云此七字妖辭也爲銅表誌里
數於道側是土上出金之義以燭置臺下則火
在土下之義漢火德王魏土德王火伏而土興
土上出金是魏滅而晉興也

青槐夾道多塵埃龍樓鳳闕望崔巍清風細雨雜香來

土上出金火照臺

時人爲曹洪駿馬諺

拾遺記

卷七

曹洪武帝從弟家盈產業駿馬成羣

武帝討董卓夜行失馬洪以其所乘馬讓武帝其馬號曰白鵠此馬走時惟覺耳中風聲足似不踐地至汴水洪不能渡帝引洪上馬共濟行數百里瞬息而至馬足毛不濕時人謂乘風而

行亦一代神駿也諺曰

三國魏書太祖本紀董卓廢帝爲宏農王初平

元年春正月袁紹超兵爲盟主太祖行奮武將軍遂引兵西將據成臯分兵到滎陽汴水遇卓

將徐榮與戰不利士卒死傷甚多太祖爲流矢
所中所乘馬被創從弟洪以馬與太祖得夜遁
去水經洛水篇濟水又東逕滎陽縣西北注
云曹太祖與徐榮戰不利曹洪授馬於此處也
憑空虛躍曹家白鵠御覽卷八百九十七引拾
遺記鵠作鶴名馬記同

閭里爲消腸酒歌

拾遺記卷九張華爲九醞酒以三薇漬麴麴出

西羌麴出北胡胡中有指星麥四月火星出麥
熟而穫之麴用水漬麥三夕而萌芽平旦雞鳴
而用之俗人呼爲雞鳴麥以之釀酒醇美久含
令人齒動若大醉不可叫笑搖蕩令人肝腸消

爛俗人謂爲消腸酒或云醇酒可爲長宵之樂
兩說同而事異也閩里歌曰云言耽此美酒

以悅一時何用保守靈而取長久
寧得醇酒消腸不與日月齊光

丁令威歌

搜神後記卷一丁令威本遼東人學道於靈虛山

後化鶴歸遼集城門華表柱時有少年舉弓欲

射之鶴乃飛徘徊空中而言霽山集卷一注曰

云

遂高上冲天今遼東諸丁云其先世有升

仙者但不知名字耳

有鳥有鳥丁令威去家千年今始歸城郭如故人民非

何不學仙冢纍纍

升菴詩話卷三修文御覽所引云何不學仙去空伴冢纍纍增此三字文

義乃明書所以貴博考也

蘇詩卷五王注所引始作來

鼠王國俗諺

異苑

卷三

西域有鼠王國鼠之大者如狗中者如

兔小者如常大鼠頭悉已白然帶金環柳商估

有經過其國不先祈祀者則齧人衣裳也得沙

門呪願更獲無他僧釋道安昔至西方親見如

此俗諺云

鼠得死人目精則爲王

齊人爲女水諺

異苑

卷四

臨淄牛山下有女水齊人諺曰

云

慕

容超時乾涸彌載及天兵薄伐

原注一作北征

乃激洪

流

世治則女水流世亂則女水竭

秦世謠

異苑

卷四

秦世有謠曰

云

始皇旣坑儒焚典乃

古謠諺

卷六十六

曼陀羅華閣

發孔子墓欲取諸經傳壙既啟於是悉如謠者
之言又言謠文刊在塚壁政甚惡之乃遠沙邱
而循別路見一羣小兒輦沙爲阜問云沙邱從
此得病

秦始皇何僵梁

孫氏穀春秋演孔圖注傳梁作奄梁

開吾戶據吾牀飲吾

酒唾吾漿殮吾飯以爲糧張吾弓射東牆前至沙邱當
滅亡

晉世京師謠

異苑

卷四

盧龍將寇亂京師謠言曰

云

未幾而

敗

十丈瓦屋八九間

下三字原本無今據古今風謠補

蘆作柱薤作欄

時人爲檀道濟歌

異苑

卷四

元嘉中高平檀道濟鎮潯陽十二年入

朝與家分別顧瞻城闕噓歎逾深故時人爲其

原注一歌曰

云濟發時所養孔雀來啣其衣作之字

驅去復來如此數焉以十三年三月入伏誅道

濟未下少時有人施罟於柴桑江收之得大船

孔鑿若新使匠作舫艫勿加斲斧工人誤截兩

頭道濟以爲不祥殺三巧手欲以塞魯匠違約
加斲凶兆先構矣

生人作死別荼毒當奈何

清溪諺

異苑卷四檀道濟居清溪第一兒夜忽見人來縛

已欲呼不得至曉乃解猶見繩痕在此宅先是

吳將步闡所居諺云云青溪青楊是也自步

及檀皆被誅

揚州青是鬼營

按劉宋時揚州卽今之江寧所言青溪青楊皆江寧之地也

桓元篡位時小兒歌

齊諧記桓元篡位後來朱雀門中忽見兩小兒
通身如墨相和作籠歌路邊小兒從而和之者

數十人歌

秣林伐山卷十七
作桓元時童謠

云

云聲甚哀楚

聽者忘歸日既夕二小兒入建康縣至閣下遂
成雙漆鼓槌吏列云槌積久比恒失之而復得
之不意作人也明年春而桓敗車無軸倚孤木
桓字也荊州送元首用敗籠茵包之又芒繩束
縛其屍沈諸江中悉如所歌焉

芒籠茵繩縛腹車無軸倚孤木

廣博物志卷三引晉書作車無軸依孤木繩縛

腹芒籠目

秣林伐山同解云

上二句桓字下二句言其敗死

案晉書五行志下亦載此事作童謠詞意半同半異而屬之荊州且事驗亦微異今並存之

徐鐵曰怨歌

還冤記宋東海徐某甲前妻許氏生一男名鐵曰而許氏亡甲改娶陳氏陳氏凶虐志滅鐵曰生一男名鐵杵欲以杵擣鐵曰也於是捶打鐵曰飢不給食寒不加絮鐵曰竟以凍餓被杖死

時年十六亡後旬餘鬼忽還家日日罵詈時復

歌云

云

云聲甚傷切似是自悼不得長成也於

時鐵杵六歲鬼屢打之月餘而死

桃李花嚴霜落柰何桃李子嚴霜早已落

法苑珠林卷七十五引怨

魂志花作華已落作落已

古謠諺卷六十六終